

李文忠公全書

卷首

李

文

忠

心

全

鐘

李文忠公全集卷首目錄

上諭

四道

諭賜祭文

四首

御製碑文

二首

國史本傳

京師奏建專祠疏

和碩慶親王

請撥部款建祠疏

兼管順天府府尹徐會豐順天府府尹陳璧

住宅改建專祠疏

兼管順天府府尹徐會豐順天府府尹陳璧

天津奏建專祠疏

直隸總督袁世凱

江甯奏建專祠疏

兩江總督劉坤一

蘇州奏建專祠疏

江蘇巡撫恩壽

上海奏建專祠疏

工部左侍郎盛宣懷

合肥奏建專祠疏

安徽巡撫誠勳

浙江奏建專祠疏

浙江巡撫任道鎔

山東奏建專祠疏

山東巡撫周馥

河南奏建專祠疏

河南巡撫錫良

神道碑銘

桐城吳汝綸

墓誌銘

桐城吳汝綸

全集

一至五

總目

光緒二十七年九月二十七日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨大學士一等肅毅伯直隸總督李鴻章器識淵深才猷宏遠由翰林倡率淮軍戡平髮捻諸匪厥功甚偉朝廷特沛殊恩晉封伯爵翊贊綸扉復命總督直隸兼充北洋大臣匡濟艱難輯和中外老成謀國具有深衷去年京師之變特派該大學士爲全權大臣與各國使臣妥立和約悉合機宜方冀大局全定榮膺懋賞遽聞溘逝震悼良深李鴻章著先行加恩照大學士例賜卹賞給陀羅經被派恭親王溥偉帶領侍衛十員前往奠醊予諡文忠追贈太傅晉封一等侯爵入祀賢良祠以示篤念蓋臣至意其餘飾終之典再行降旨欽此

光緒二十七年十月初二日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨周馥奏督臣因病出缺代遞遺疏一摺大學士直隸總督李鴻章以儒臣起家軍旅早膺疆寄晉贊綸屏輔佐中興削平大難嗣在北洋三十餘年辦理交涉悉協機宜上年京師之變事機萬緊該大學士忠誠堅忍力任其難

宗

社復安朝野攸賴本年七月閒因病迭經降旨慰問該大學士仍力疾從公未克休息忠靖之忱老而彌篤方冀調理就痊長資倚任乃驟患咯血遽致不起當茲時局艱難失此柱石重臣曷勝愴慟前已加恩賞卹予諡文忠追贈太傅晉封一等侯爵入祀賢良

祠著再賞銀五千兩治喪由戶部給發原籍及立功省分著建立專祠並將生平戰功政績宣付國史館立傳靈柩回籍時沿途地方官妥爲照料任內一切處分悉予開復應得卹典該衙門察例具奏伊子刑部員外郎李經述著賞給四品京堂承襲一等侯爵毋庸帶領引見工部員外郎李經邁以四五品京堂用記名道李經方著俟服闋後以道員遇缺簡放伊孫戶部員外郎李國杰著以郎中卽補李國燕李國煦均著以員外郎分部行走李國熊李國燾均著賞給舉人准其一體會試用示篤念盡臣有加無已之至意欽此

光緒二十七年十一月十三日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨奕劻等奏
據呈請爲已故大學士功德在民懇建專祠一摺已故大學士李
鴻章服官中外四十餘年懋建殊勳安定疆宇前經迭降恩旨優
予飾終已准於原籍及立功省分建立專祠以彰勞勩茲據奏請
各節京師建立專祠漢大臣向無此曠典惟該大學士功績邁常
自宜逾格加恩以示優異李鴻章著准於京師建立專祠列入祀
典由地方官春秋致祭以順輿情而隆報享用示篤念蓋臣至意
欽此

光緒二十八年四月十七日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨原任大學士李鴻章忠勳久著飾終之典前已迭霽恩施現在靈柩回籍有期朝廷倦念前勞倍增悼惜著派醇親王載灃先期前往致祭伊子李經方加恩著以四品京堂候補用示篤念盡臣有加無已之至意欽此

諭賜祭文

朕惟報功崇德之文皆爲效忠者勸捍患禦災則祀況兼定國之勞績旣著於旂常典宜隆於俎豆追懷首輔爰薦嘉馨爾原任大學士直隸總督一等肅毅伯晉一等侯贈太傅李鴻章性秉忠純道宏開濟禁中頗牧共推出類之才江左夷吾夙裕匡時之望言從軍旅早陟封圻受

先朝特達之知翼再世中興之運兩平巨憝勳書盟府之簡編廣集羣材能屈殊方之策力久付北門之管共知寇準之名遠揚東海之舫幾蹈元衡之厄遂辭節鎮還長綸扉出將入相歷四十年東亞西歐涉九萬里歸爲典屬旋奉詔以行河出領邊州更臨戎而度嶺及海邦之多事仍畿輔之重來投袂勤王麾兵見敵以元和一二臣之舊兼營平八九十之年郭子儀聞命卽行不知讒謗

諸葛亮鞠躬盡瘁惟許馳驅夷險萬端始終一節論晚歲被恩之
渥固絕等倫當危時受寄之艱尤殊平昔幸返再中之日驚聞驟
隕之星宗澤語不及私惟有還京之表荀偃歿而猶視不忘卒事
之言披覽遺章曷勝隕涕錫列侯之印綬知餘慶之在元成登官
序於子孫賜嘉名而思延賞於戲贈謝安以太傅何止淮淝戰伐
之勲諡裴度曰文忠能無柱石憂衰之歎靈其來格歆此苾芬

諭賜再祭文

朕惟致治馨香特重報功之典遭時屯厄彌增求舊之懷是以漢代蕭曹唐家房杜皆屢著遣祠之禮示不忘謀國之忠爾原任大學士全權大臣便宜行事直隸總督一等肅毅伯晉一等侯贈太傅李鴻章夙建殊勳早爲元輔受

兩朝之重寄馳四裔之高名昨當國步危疑正借邊符鎮撫以潢池之盜弄致海國之兵連方思定變之才特下追鋒之召奮八旬之衰疾冒六月之炎威如葉公免胄以釋羣疑見郭令投戈而修舊好始則弭東南之隱亂繼克成中外之聯盟抗桓文九合之勳佐周漢再昌之運重安

宗

社功旣冠於收京載戢干戈事倍難於戰野竭一年之籌策成再

李文忠公全集卷首
造之經綸不爲裴令灰心眞見葛侯嘔血方錫和戎金奏異數同
膺驚停嚴夜鼓聲遺章遽告當盈廷論功行賞之日是元臣以死
勤事之辰論一生爲國之深衷本成功而不處在三代斯民之直
道宜沒世以難忘昔漢肅宗返自西巡重舉霍光之祀晉武帝論
平南服獨思羊祜之功秩自備於中牢感倍深於長路於戲夢魏
徵於身後恍若平生告李晟之柩前恩隆世嗣再陳馨薦尙克歆
承

諭賜入祀賢良祠祭文

朕惟宣力效忠樹楷模於朝野報功崇德光俎豆於春秋合一代以論才問九原之誰與惟此賢良之祀備登文武之臣取勲德之共聞更身名之俱泰能兼此選自昔爲難爾原任大學士直隸總督一等肅毅伯晉一等侯贈太傅李鴻章功在旂常名垂簡策櫛風沐雨早高盪定之勲浴日補天晚著平成之績始自八國連衡之際迄於兩都光復之初鐘簴不移實賴西平之力封章猶在能忘太傅之功朕追念前勞痛摧良佐謂凡在建功之地皆宜隆報享之文已有專祠徧於行省百戰功成之後論勲勞莫大收京九州廟食方長知魂魄猶應戀闕允宜列祀非僅酬庸旣慰老成憂國之忱亦爲臣庶當官之式還河岳英靈之氣增風雲際會之思於戲念中興將相之僅存竟不憊遺於一老與先正親賢而並例